

上清紫精三素君道经第九

“

上清紫精三素君道经第九

上清大洞真经卷之三

茅山上清三十八代宗师蒋宗瑛校勘

绛官中一元君章

谨请绛官心丹田官中一元丹皇君神运珠，字子南丹，常守兆项中大椎骨首之户死炁之门，使兆百骨受真炁，大椎有日光，七祖父母，得道登仙，入南极之宫。

真思绛官中一元丹皇君神运珠真炁，日光之色，罩于顶上，默咒曰：

中一真君，号曰运珠，上招日光，灌我形躯，三真宝曜，固命玉符，寿亿万劫，永无终休，身生羽服，飞升天衢。



次思日光从兆泥丸中入，兆乃口吸神云，咽津三过，结作一神，红袞冕，下布绛官，采先入藏者神精，光曜尽缠于神身，下入脐内，又入玉茎中，却入尾闾穴，穿脊髓，上入第一椎骨首之户，出化为一轮百宝神光，如日之状，其光急转，神在光内不动，其神背观，顺时吐息。

诵玉经。

大洞玉经曰：

紫精上清天中育华林木名，长暝太无外，玉房眉间生宝云，九扇胞胎内，帝宾奉五符，三元回紫盖，苍玉斌来生，卫此长夜会至阴之源，五籍既明，启昌开明得期，务玄把篆，奉行四时，金映两目，华盖秀眉，玄母归雄阴变阳，元父合雌阳变阴，合洞百灵，辟非童子宣弥童女，童子受听，丹婴为儿，祸绝地下，福升仙台，魂魄密静，百神合离，间关书名帝一，混然俱来。

玉清保仙王祝曰：


天有九魂九天之精，不可不分三丹田神，道有三真，不可去身，帝一变景，万化以臻，流珠停晖，紫霞踊烟，七度回路七星缠度，三光映真，太一精符，相与为亲，司命衔月，嘘我重唇，五老神名衔日炼阳，吸我三便，太上道君，与我缠绵，上造大阶，携把太真。

毕，乃口微祝曰：

天上内音，乐伯勒，飞冥贤。地上外音，始生王，上道宗。

大洞绛官中一元丹皇君消魔玉符

诀曰：当朱书黄绶佩之，存呼皇君内讳名字，镇我项中首骨，镇塞九孔炁，生神固玉堂，解散七玄祸，翻然飞玄梁。乃叩齿三通，次咽液三过。



©版本号 #2

★由 上清持伟 创建于 16 九月 2022 10:14:44

✍由 上清持伟 更新于 16 九月 2022 10:17:25